

Atuartitsinerup ingerlanneqarnissaata naammassineqarnissaanut periusissat atuarnerullu nalaani atuarfiup atuartunik nakkutilliinera pillugit Namminersornerullutik Oqartussat nalunaarutaat

Atuarfik pillugu Inatsisartut peqqussutaanni nr. 8, 21. maj 2002-meersumi § 25, imm. 2 naapertorlugu aalajangersarneqarpoq:

Kapitali 1

Atuartitsinerup ingerlanneqarnissaata naammassineqarnissaai pillugu iliuusissat

Atuarfimmi maleruagassat

§ 1. Atuarfiup siulersuisusa atuarfimmi maleruagassat aalajangersassavaat. Atuarfimmi maleruagassat atuartut ataatsimooqatigiittarnerannut najoqqtassiaapput torersuunissamullu tikkusuussiuullutik.

Imm. 2. Atuarfimmi maleruagassat tassaapput atuartitsinerup ingerlanneqarnissaanut naammaginartumik periarfissiisussat tassuunalu atuarfiup siunertaanik piviusunngortitsinarnermut tapertaasussat.

§ 2. Atuarfiup siulersuisuinalunaarutip periarfissiisutai tunngavigalugit atuartut atuarfimmi maleruagassanik malinninngitsut qanoq iliuuseqarfigineqarnissaannik aalajangersagaliorssinnaapput.

§ 3. Atuarfiup siulersuisui atuartup malittarisassanik eqqortitsinngitsup angajoqqaavinut ilisimatitsisarnermut taamatuttaaq tamanna pillugu angerlarsimaffiup atuarfullu qanoq attaveqatigiinnissaannut najoqqtassanik aalajangersaasinnaapput.

§ 4. Klassini atuaqatigiit imaluunniit ingerlaqatigiit ilinniartitsisutik peqatigalugit ukiup atuarfiup aallartinneri tamaasa atuaqatigiit imaluunniit ingerlaqatigiit akunnerminni ataatsimoornissaminut anguniagassatik pilersaarusiussavaat.

§ 5. Atuarfimmi pitsaasumik atugassaqarnissaq siunertaralugu atuartut, ilinniartitsisut, atuarfimmi aqutsisoq, angajoqqaat atuarfullu siulersuisui, klassini ingerlaqatigiinnilu ataasiakkaani atuarfiup malittarisassaasa taamatullu ataatsimooqatigiinneq torersarnerlu pillugit atuarfiup anguniagaanik atuartut paasininnissaat suleqatigiiffigissavaat.

Periusissat

§ 6. Atuarfimmi maleruaqqusat atuartup unioqqtippagut piaartumik tamatuma akuerineqarsinnaanngissusia ilinniartitsisup atuartumut paaseqquullugu taakkartussavaa. Ilinniartitsisup atuartumik oqaloqateqarnermigut unioqqtitsinermut suna pissutaanersoq paasiniassavaa, tamatuma siunertarissavaa atuartup atuarfimmi maleruaqqusat qanoq pingaartiginersut paassisammagit

unioqqutinneqaqqinnissaallu pinaveersaarniassammagit.

Imm. 2. Atuartup maleruaqqusat unioqqutittuarpagit annertuumilluunniit unioqqutitsippat, ilinniartitsisup pilertortumik atuartoq paasitissavaa tamanna akuerineqarsinnaanngitsoq allakkatigullu mianersoqqusummik atuartoq tunineqassaaq. Atuartup angerlarsimaffia mianersoqqussutip imaanik, tassungalu ilanngullugu sooq atuartoq mianersoqqusummik tunineqarsimansoq unioqqutitsinerullu kingunerisinnaasaanik nassuaatitaqartumik nalunaarfigineqassaaq. Klassip imaluunniit ingerlaqtigiiit sinnerisa ingerlanissaat qulakkeerniarlugu pisariaqalerpat § 10, imm. 1-imi taaneqartoq tunaartalarugu periusissaq § 8, imm. 1-imi taaneqartoq atuutsinneqarsinnaapput.

Imm. 3. Atuartoq mianersoqquneqareerluni unioqqutitseqqippat atuartitsinerup ingerlanissaat qulakkeerniarlugu tunngavissat §§ 10-11-milu taaneqartut tunaartalarugit periusissaat § 8-mi taaneqartut atuarfiup atuutsilersinnaavai.

§ 7. Atuartup akuerineqarsinnaanngitsumik iliuuseqarnera inooqatigiinnikkut misigissutsikkullu ajornartorsiuutnik atuarfimmiit pissuteqarsorinarpal iliuusissat § 8-miittut malillugit atuarfik Siunnersuisarfimmut immikkut atuartitsinissamik allatullu immikkut perorsaanissamik pisariaqartitsinermik naliliisoqarnissaanut taarsiullugu malittarisaliussaaq.

§ 8. Atuartitsinerup ingerlanneqarnissaat qulakkeerniarlugu atuarfiup atuartumut periuserisinnaasat makkua atuutilersissinnaavai:

1) Atuarfimmi atuartitsinermut allamut nuukkallartitsineq akunnerni ataasiakkaani ullulluunniit sinnerani, tak. § 9, imm. 1.

2) Sapaatip-akunnera tikillugu atuartitaanermut peqataaqqusajunnaarsitsineq, tak. imm. 2 aamma § 10, imm. 2.

3) Klassimut allamut ukioqatigisanik atuartulimmut ataavartumik nuutsitsineq, tak. imm. 2 aamma § 10, imm. 3.

4) Illoqarfisami klassimut allamut ukioqatigisanik atuartulimmut nuutsitsineq, tak. imm. 2 aamma § 10, imm. 4.

5) Atuarfimmi atuartujunnaarsitsineq, tak. imm. 2 aamma § 10, imm. 5.

Imm. 2. Imm. 1-imi, nr. 2-miit 4-mut taaneqartut taamaallaat 4.-10. klassimi atuartunut atuutinneqarsinnaapput imm. 1, nr. 5-imilu taaneqartoq atuartunut 10. klassini atuartuusunut taamaallaat atuutinneqarsinnaalluni.

§ 9. Atuartumut iliuusissat piviusunngortinneqarnissaat atuarfiup pisortaata aallartissavaa, taamaattorli tak. § 11, imm. 2 aamma 4.

§ 10. Atuarfimmi atuartitsinermut allamut nuutsitsineq, tak. § 8, imm. 1 nr. 1 aatsaat pisinnaavoq klassip imaluunniit ingerlaqtigiiit sinnerisa atuartinneqarnissaat qulakkeerniarlugu pisariaqalerpat.

Atuartitsinermut allamut nuutsitsineq aatsaat pisinnaavoq tamanna sioqquillugu atuartoq nammineq oqaaseqaateqarnissaminut periarfissinneqareerpat ajornanngippallu angerlarsimaffik siumoortumik tamatuminnga nalunaarfigineqareerpat.

Imm. 2. Atuartoq, tak. § 8, imm. 1, nr. 2 naapertorlugu atuartitsinermut peqataaqqusajunnaassappat piumasaqataavoq tamanna pitinnagu siumoortumik angajoqqaat atuartorlu oqaaseqaateqarnissaminut periarfissaqarsimanissaat aammalu angerlarsimaffiup siumoortumik tamatuminnga nalunaarfigineqareersimanissa. Aammalu piumasaqataavoq atuartup atuartitsinermut peqataajunnaarsinnejnarnermi nalaani naammaginartumik nakkutigineqarnissaa. Atuartitsinermut peqataaqqusajunnaarneq aatsaat immikkorluinnaq pisoqartillugu ukiup atuarfiusup ataatsip iluani

ataasiaannarani pisinnaavoq.

Imm. 3. Atuartoq, tak. § 8, imm. 1, nr. 3 naapertorlugu atuarfigisamini klassimut allamut ukioqatigisaminik atuartulimmuit ataavartumik nuunneqassappat atuartoq angajoqqaallu tamanna pitinnagu namminneq oqaaseqaateqarnissaminut periarfissinneqarsimanissaat piumasaqaataavoq.

Imm. 4. § 8, imm. 1, nr. 4 naapertorlugu nuutitsineq aatsaat pisinnaavoq atuartup, angajoqqaavisa atuarfimmilu nuuffigisassami atuarfiup pisortaata nuunnissaq akuerisimappassuk nuunnerlu kommunimut aningaasartuutaanerussanngippat.

Imm. 5. 10. klassimi atuartup atuartujunnaarsitaanissaat atuarfiup pisortaata inassuteqareerneratigut kommunalbestyrelsimit aalajangiiffigineqassaaq, tak. § 8, imm. 1, nr. 5. inassuteqannginnermi atuartoq nammineq oqaaseqaateqarnissamut periarfissaqartinneqassaaq. Atuartoq angajoqqaatut oqartussaatitaanerup ataaniippat aammattaaq angajoqqaavi angajoqqaatulluunniit oqartussaatitaasut namminneq oqaaseqaateqarnissaminut periarfissaqartinneqassaassapput. Atuartujunnaarsitaanissaat atuartup akuerisinnaappagu kommunalbestyrelsip akuersinissaat piumasaqaataanngilaq, taamaattorli atuartup inuussutissarsiummik ilinniagaqarnermilluunniit aallartitsissunneqarnissaat atuarfiup qularnaassavaa.

§ 11. Timikkut tarnikkulluunniit pillaaneq atorneqassanngilaq.

Imm. 2. Atuartut allanut nakuusersniarnerat pigisanilluunniit aserorternermik innarliinissaat pinngitsoortinniarlugu pisariaqartitsineq naapertorlugu pissaaneq atorneqarsinnaavoq.

Imm. 3. Pissaaneq atorneqartariaqarpat ingerlatiinnarlugu tamanna allakkatigut atuarfiup pisortaanut nalunaarutigineqassaaq, taassumalu ingerlatiinnarlugu angajoqqaat tamatuminnga ilisimatissavai.

Imm. 4. Atuartoq pissaanermik atuiffigineqartoq ilinniartitsisumit ingerlatiinnarlugu klassimi atuartitsinermit anisitaasinnaavoq, ilinniartitsisullu pisumik nalunaarutiginninera tunngavigalugu atuarfiup pisortaata iliuuserisassat pisariaqartinneqartut suuneri aalajangiiffigissavai.

Kapitali 2

Atuartitsinerup nalaani atuartunik nakkutilliineq

§ 12. Atuarfimmi atuarnerup nalaani, anitsiarfinni, nerinerup nalaani allanilu naammattumik atuartut nakkutigineqarnissaannut kommunalbestyrelsi akisussaavoq.

Imm. 2. Kommunalbestyrelsip aalajangersagaasa iluanni atuarfiup siulersuisusa atuarfiup atuartunik nakkutilliinissa erseqqinnerusunik malittarisassaliorsinnaavaat.

Imm. 3. Atuarfiup pisortaata nakkutilliinerup qanoq ingerlanneqarnissaat aalajangiiffigissavaa.

Imm. 4. Naammattumik nakkutilliineq imatut paasineqassaaq, nakkutilliineq pissutsit naliliiffignerat aallaavigalugu imarisamigut annertussutsimigullu pisariaqartitsineq naapertorlugu naammattuusorinartoq, makku tamatumunnga ilanngullugit

-atuartut qanoq ukioqarnerat

-sammisap suunera

-najukkami pissutsit aamma

-init aaqqissugaanerat atortuiliu.

Imm. 5. Ilinniartitsisut ataasiakkaat tamarmik atuarfimmi maleruaqqusat malinnejqarnissaannut qulakkeerinissamut pisussaaffeqarput unioqqutitsisoqarpallu akuliutissallutik pisussaapput, soorlu atuarfiup pisortaanut saaffiginninnikkut. Tassa ilinniartitsisut ataasiakkaat nakkutilliisutut pisussaanerat ilinniartitsisup skemanut imaluunniit suliassat agguataarneqarsimanerinut killeqanngilaq.

§ 13. Atuarfiup nakkutilliisussaatut pisussaanera aallartittarpoq atuartitsinerup aallartinnissaa minuttinik qulinik sioqqullugu, naammassisarporlu atuartut atuartitsinerup naanerata kingorna atuarfimmit qimagutereernerisa kingorna.

Imm. 2. Atuartut atuartitsineq minutit qulit sioqqullugit, imalunniit atuartut atuarnerup naammassinerata kingorna pisassaqrarlutik, soorlu sunngiffimmi atuartitsinerup aallartinnissaa utaqqigunukku, allamilluunniit pissuteqararlutik atuarfik qimanngippassuk, sumiiffimmilu oqartussaasut nakkutilliisoqarnissaa pisariaqartoq nalilerpassuk, immikkut ittumik nakkutilliinissamik isumaqtigiiissusiortoqassaaq.

Nakkutilliisussaatitaanerup atuuffia

§ 14. Atuartut atuarfiup iluaninneranni atuarfullu illutaata akisussaaffigaatalu iluaninneranni nakkutilliineqassaaq. Nakkutilliinermut aamma ilaavoq atuarfiup qanittuani aqqusinermi atuarfiup malittareqqusiai atuartunit malinneqarnersut nakkutigineqarnissaat. Atuartut atuariartorlutik aqutigisartagaat atuarfiup nakkutilliineranut ilaatinneqanngillat.

§ 15.

Atuartitsineq atuarfiup avataanut inissinneqarsimappat atuartut atuarfigisassamit atuarfullu akornanni ingerlaartarnerat pisariaqarnera naapertorlugu nakkutigineqartariaqarpoq. Aammattaaq nakkutilliisussatut pisussaaffittut ilaavoq atuarfiup aaqqissugaanik angallassinermi siumut utimullu ingerlaartitsineq.

Nakkutilliisussaatitaanerup imaa

§ 16. Ilinniartitsisut atuartitsinerup nalaani atuartunik nakkutilliisussaatitaapput.

Imm. 2. Klassimi atuartunik ingerlaqtigiinnut eqimattanulluunniit agguataarneqarnerup kingorna atuartut inini assigiinngitsuniippata atuartunik nakkutilliineq ingerlanneqarsinnaavoq ilaatigut siumut ilitsersuereernikkut. Aamma taamaappoq atuartup atuarnermut atatillugu atuarfik qimattariaqarpagu.

Imm. 3. Pingaaruteqvissumik pissuteqaruni atuartoq aatsaat atuartitsinerup nalaani atuarfik qimallugu aninissamut akuerineqarsinnaavoq.

§ 17. Atuartitsineq inini immikkut navianartorsiorfiusinnaasuni ingerlanneqarpat, soorlu fysik/kemirtarfinni, sannavinni, eqaarsaartarfinni timersortarfinnilu, atuarfik sukumiisumik nakkutilliisussaavoq.

Imm. 2. Allani immikkut nakkutilliinissaq piumasaqaataasimappat atuarfiup tamakkua eqqortinnejarnissaat nakkutigissallugu pisussaaffigivaa.

§ 18. Atuartitsineq skema malillugu nalunaaquttag akunnerinik unitsinneqarpat annerni atuartut atuarfimmiiginnarsinnaallutillunniit atuarfimmik qimatsisinnaapput.

Imm. 2. Atuarfimmi siulersuisut aalajangersinnaavaat aalajangersakkami imm. 1-imi anitsiarfinni aamma nalunaqaqttag akunnerini atuartitsiffiunngikkallartuni tamanna aamma atorneqassanersoq.

Imm. 3. Immikkut ittumik pissutissaqarpat atuarfiup pisortaata imm. 1 aamma imm. 2 sanioqqullugit atuartut ataasiakkaat atuarfimmik qimatsinissaat inerteqqutigisinnaavaa. Aammattaaq angajoqqaat qitornamik anitsiarfimmik akunnernilu atuanngiffinni atuarfimmiiginnarnissaat piumasarisinnaavaat.

Imm. 4. Atuarfiup qimannissaanut atuartoq akuerineqarsinnaavoq tamanna isumannanngitsutut nalilerneqarpat.

Paasisassarsiornermi angalanermi allanilu nakkutilliineq

§ 19. Atuartut paasisassarsiorlutik angalanerinni, suliffeqarfinnut pulaaqtiginerini, timersornernut tunngassuteqartunik sammisaqarnerini, umiartornerini assigisaalluunniit atuarfimmit aaqqissuunneqartut aningaasaliiffigineqartullu peqataaffigineqarnerini nakkutilliiffigineqartassapput.

Nakkutilliisussaatitaanertaaq atuuppoq atuarfiup suliassaanut atatillugu aallaarsimaarnerni, tammaarsimaanerni imaluunniit atuarfik arlaatigut aaqqissuisuutillugu.

§ 20. Atuartut misiliinerisa nalaanni sullivinniitillugit suliffeqarfinniitillugit assigisaannilu atuarfiup nalinginnaasumik nakkutilliisussaatitaanera atuutinngilaq. Taamaattorli atuartunut tunngatillugu mianersorfissaqartoq malugineqarpat atuarfik pisussaajuarpoq akuliutissalluni.

Imm. 2. Atuartut sullivinni suliffeqarfinnilu misiliillutik sulinermanni sulliviup sulisuinut isumannaallisaanikkut malittarisassanut, sullivinni avatangiisit pillugit inatsisitigut aalajangersakkat malillugit sularineqarsimasunut ilaatinneqarput.

§ 21. Paasisassarsiorluni angalaarnermi, tammaarsimaarnermi atuaqatigiillu angalanerinut assigisaanniluunniit aatsaat nalunnguertoqarsinnaavoq tamanna isumannaatsumik pisinnaappat.

§ 22. Ilanniartitsisut atuartullu atuarfiup illuutaani imaluunniit anitsiartarfip ilusilerneqarneratigut arlaannik ulorianarsinnaasumik naammattuugaqarunik tamatuma atuarfiup pisortaanut nalunaarutiginissaanut pisussaapput.

Kapitali 3

Atuutilerneranut atuukkunnaarsitsinermullu aalajangersakkat

§ 23. Nalunaarut 1. august 2003 atuutilerpoq.

Imm. 2. Tamatumunnga peqatigitillugu Meeqqat atuarfianni torersaarluarnissamik pilersitsiniaanissaq pillugu Namminersornerullutik Oqartussat nalunaarutaat nr. 10, 15. april 1991-imeersoq aamma Atuartunik nakkutilliineq pillugu Kulturimik atuartitsinermillu aqutsisut kaajallaasitaat nr. 8/80 atuukkunnaarput.

Namminersornerullutik Oqartussat, ulloq 14. maj 2003.

Arkalo Abelsen

/

Lise Lennert Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut